

www.BibleForChildren.org



Yuhana 14



Yesu a gwadatay a gawla ngay hay: «Dərev mâ ye fakuma abəra bay. Dzalum ha ka Mbəlom ada dzalum ha ka neŋ dərmaŋ. Gay hay andaya haladzay mə gay i Bəba ga. Tadə təv andaya bay na, habe na gwadakumeye bədaw?»



«Na diye na ta lambadakumeye tɔv nakɛ ka ta ndzumeye mɛ dɛma aye. Na ye, na lambadakumaw tɔv na, na maweye mata hɛle kurom ka tɔv ga, hɛrwi ada nɛkurom dɛrmak ka ndzumeye ma tɔv nakɛ neŋ mɛ dɛma aye.»



Maa watsakum naha dɛrewel nakay na, neŋ Yuhana malamar kurom. Neŋ tɔ nɛkurom nɛkway madzapa eye tɔ Yesu Kɛriste.

Andza niye, neŋ faya na siye dɛretsɛtseh andza



nɛkurom dɛrmak.
Nɛkway tebiye faya
ka sɛmakway naha.



Andza niye, kə pa kway a tɔv mɛlɛvɛ i bɛy ŋgay.
Nɛŋ na, ta gəs ga. Ti ye, tɛ kal ga ha a gɛma
nakɛ malawara eye ta yam tɛ zalay

Patmos aye. Tɛ kal ga ha
a dɛma na, hɛrwi na




dawa ha bazlam
i Mbɛlom. Na
gwadawa, maa
ɔakway ha tsɛvɛd
dedek eye na, Yesu.




Kwayan̄ṅa Məsəfəre Tsədaṅṅa eye a yaw a
zla ga. Tsa na, na ṅgatay a tɔv mɛndze i bɛy
mɛ mbɛlom. Ndoweeye mandza eye faya.



Tsa na, na tsəne məge dəmes i wu neheye tebiye Mbəlom a ge aye. Wu neheye mə mbəlom aye, neheye ka məndzibəra aye, neheye ma bəf aye, neheye ma dəlov aye, tə gawa dəmes tay eye, tə gwad: «Zambadəkway a ndo nakə neŋgeye mandza eye ka təv məndze i bəy aye ada a ndo nakə neŋgeye andza wawa i təbaŋ aye, dəslakwatay ha gər.»




«Gədanj tebiye a yaw na, abəra ma nəteye. Zəba,
nəteye na, məzlab eye hay ka tor eye.»




Na ngatay naha a gəma tsədaŋŋa eye, gəma niye na,
Zerozelem wedeye nakə faya ma mbəzlaweye abəra
ka təv i Mbəlom aye. Gəma niye na, a lambad bo, a le
haladzay andza dahəlay nakə a lambad bo lele ma diye
a gay i zal aye. Na tsəne mətəsike me a tsənew abəra

ka təv məndze
i bəy ta magala,
a gwad: «Zəbum,
Mbəlom kə ge gay
ngay a walaŋ i ndo
hay, ma ndziye tə
nəteye. Ta təriye ndo
ngay hay. Nenɣeye
Mbəlom nəte ngwen ma
ndziye tə nəteye.»



Ma dēba aye na, gawla i Mbēlom niye a dēŋ ka magayam wuray yam mē dēma. Yam eye niye na, ma vēliye sifa a ndo hay. A wuzl dēre andza malam ada a yaw na, abēra ka tēv mēndze i bēy i Mbēlom ta Wawa i tēbaŋ.



Na zəba dəre na, pat ta kiye ta təriye kəriye ma gəma niye hərwi dzaydzay i Mbəlom a dəv mə dəma. Wawa i təbaŋ neŋgeye a vəl dzaydzay ma gəma niye.




Wu neheye lele bay aye ta sliye faya mede a dɛma bay. Ndo neheye dɛrev tay manasa eye ada ndo i parasay ta fɛlɛkwiye a dɛma bay dɛrmak. Mata fɛlɛkwe a dɛma na, ndo neheye tɛ watsa mɛzele tay a dɛrewel i Wawa i tɛbaŋ aye. Maa huta sifa dedek eye na, nɛteye.




«Ma takadiye na yam dɛre tay.
Ta mɛtiye sa bay tebiye. Wuray
ma ndalateye sa bay. Ta tuwiye
sa bay, wuray ma wuriye fataya
sa bay. Wu guram eye hay ta
dze.»




Wu neheye Mbəlom a vəlawatay mezeleme aye na, ma giye andaya ma gəma niye bay. Mata ge andaya ma gəma niye na, təv məndze i bəy i Mbəlom ta Wawa i təbaŋ. Ndo ŋgay hay ta dəsleye ha gər. Nəteye na, ta ŋgateye a dərə ŋgay, ta watsiye məzele ŋgay ka da'ar tay.



Tsa na, na ngatay a ndo neheye tɔ mɛt aye tebiye,
kwa bagwar hay, kwa wawa hay. Nɛteye malɛtsa eye
kame i tɔv mɛndze i bɛy. Tsa na, ndoweye a hɛndɛk
ɔerewel hay. Ta hɛndɛk ɔerewel mekeleŋ eye dɛrmak.
Nenɛgeye na, ta watsa a dɛma mɛzele i
ndo neheye tɔ huta sifa nakɛ dedek aye.




Ma dēba eye ta hēndək dērewel niye hay na, Mbēlom a gatay sariya a ndo neheye tē mēt aye. A gatay sariya na, tēdē tēdē ka wu tay neheye tē ge aye, tē watsa na a dērewel niye hay aye. Tadē ndoweye mēzele ŋgay andaya mē dērewel i ndo neheye ta huta sifa aye bay na, ta kal ha a dēlov i ako niye dērmak.



Məsəfərə Tsədanğa eye ta dahəlay, tə gwad: «Dara.»

Nəkurom neheye faya ka tsənumeye wu neheye,
gwadum: «Dara.» Nəkurom neheye yam a gakum aye,
dumara sum yam nakə ma vəliye sifa a ndo hay aye.

Ta vəliye kəriye a ndo neheye a satay məse aye.



Hərwi Mbəlom a wuda məndzibəra na,
haladzay. Hərwi niye a sləraw Wawa
ngay felik eye hərwi ada kwa way kə
dzala ha faya na, ma dziye sa bay.
Ane tuk na, ma hutiye sifa nakə
ma ndəviye bay aye.



Roma hay 3:23

Hərwi ndo hay tebiye ta ge mezeleme, ta sliye məndze ma məzlab i Mbəlom bay.

Roma hay 6:23

Tadə ndoweye kə ge mezeleme na, mezeleme ma diye ha a məməte hərwi magogoy i mezeleme na, məməte. Ane tuk na, Mbəlom neŋgeye ma vəliye sifa nakə ma ndəviye bay aye na, kəriye. Ma vəlakweye hərwi nəkway madzapa eye ta Bəy Maduweŋ kway Yesu Kəriste.



Hebrøe hay 9:27

Kwa way ma mētiye sik nēte, ma dēba eye na,
Mbēlom ma geye sariya.

Efez hay 2:8,9

Mbēlom a tēma kurom ha abēra mē mezeleme na, kēriye
ta mēdzal gēr nakē a vēlakum ka dzalum ha ka nēngeye.

A gakum ŋgwalak ŋgay na, kēriye bēna, hērwi mēsler
neheye faya ka gumeye lele eye hay bay. A gakum
ŋgwalak ŋgay kēriye na, hērwi ada ndēray mâ dēslay ha
gēr a bo ŋgay bay.



Roma hay 10:9,10

Tadə ka tsik tɛ bazlam yak «Yesu Kəriste na, Bəy Maduweŋ» ada ka tɛma a dɛrev yak Mbɛlom kɛ lɛtse ahaya abɛra ma mɛdahaŋ na, Mbɛlom ma tɛmiye kar ha. Tadə ka dzalakwa ha ka Yesu tɛ dɛrev kway na, ka tɛrakweye ŋgwalak eye hay kame i Mbɛlom. Tadə ka gwadakwa tɛ bazlam kway Yesu Kəriste Bəy Maduweŋ na, Mbɛlom ma tɛmiye kway ha.

Yuhana 3:16,17

Hərwi Mbɛlom a wuda mɛndzibɛra na, haladzay. Hərwi niye a slɛraw Wawa ŋgay felik eye hərwi ada kwa way kɛ dzala ha faya na, ma dziye sa bay. Ane tuk na, ma hutiyɛ sifa nakɛ ma ndɛviye bay aye. Mbɛlom a slɛraw Wawa ŋgay ka mɛndzibɛra na, hərwi ada m̂a ge sariya ka ndo hay bay. A slɛra ahaya na, hərwi ada ndo hay t̂a tɛma d̂uh.



1 Yuhana 5:11-13

Wu nakə Mbəlom a dɔakway ha aye na, wuye mey? A dɔakway ha na, kə vɛlakway sifa nakə ma ndəviye bay aye. Sifa niye a vɛlakway aye na, tɛ hɛlay i wawa ŋgay. Ndo nakə nenɣeye mandza eye nɛte tɛ Wawa i Mbəlom aye na, kə huta sifa niye. Ndo nakə nenɣeye mandza eye nɛte ta Wawa i Mbəlom bay aye na, nenɣeye kə huta sifa niye bay. Wu neheye na watsakum naha aye na, a nəkurom neheye ka dzalum ha tɛ mɛzele i Wawa i Mbəlom aye. Na watsakum naha na, hɛrwi ada kâ sɛrum ha na, ka hutum sifa nakə ma ndəviye bay aye.



Yuhana 14; 2 Korinthe hay 5;
Məsine i Yuhana 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Merey NT (meq) © 2012, Wycliffe Bible Translators, Inc.
All rights reserved.

<https://live.bible.is/bible/MEQWBT/MAT/1>

©2025 Bible for Children, Inc.

www.M1914.org

www.bibleforchildren.org

